



МОНГОЛ УЛСЫН
СОНГУУЛИЙН ЕРӨНХИЙ ХОРООНЫ
ТОГТООЛ

2021 оны 02 сарын 05 өдөр

Дугаар 06

Улаанбаатар хот

Цаг хугацааны хуваарь батлах тухай

Сонгуулийн төв байгууллагын тухай хуулийн 12 дугаар зүйлийн 12.3 дахь хэсэг, Монгол Улсын Ерөнхийлөгчийн сонгуулийн тухай хуулийн 8 дугаар зүйлийн 8.11 дэх хэсгийг үндэслэн ТОГТООХ нь:


- “Монгол Улсын Ерөнхийлөгчийн 2021 оны ээлжит сонгуулийн үйл ажиллагааг зохион байгуулах цаг хугацааны хуваарь”-ийг хавсралтаар баталсугай.
- Цаг хугацааны хуваарийг холбогдох эрх бүхий байгууллага, албан тушаалтанд хүргүүлэх, нийтэд мэдээлэх ажлыг Ажлын албаны дарга /Д.Баяндүүрэн/, хэрэгжилтэд хяналт тавьж ажиллахыг Хорооны нарийн бичгийн дарга /Д.Даваа-Очир/-д тус тус даалгасугай.

ДАРГА

НАРИЙН БИЧГИЙН ДАРГА

П.ДЭЛГЭРНАРАН

Д.ДАВАА-ОЧИР



00000014

Сонгуулийн ерөнхий хорооны
2021 оны 02 дугаар сарын 05-ны өдрийн
06.. дугаар тогтоолын хавсралт

**МОНГОЛ УЛСЫН ЕРӨНХИЙЛӨГЧИЙН 2021 ОНЫ ЭЭЛЖИТ СОНГУУЛИЙН
ҮЙЛ АЖИЛЛАГААГ ЗОХИОН БАЙГУУЛАХ ЦАГ ХУГАЦААНЫ ХУВААРЬ**

№	Хийгдэх ажил	Хуулийн заалт	Хуванчийн хугацаа
Нэг.СОНГУУЛИЙН ТОЙРОГ, ХЭСЭГ			
1	Сонгууль товлон зарлах, санал авах өдөр тогтоох	Монгол Улсын Их Хурал ээлжит сонгуулийг сонгуулийн жилийн 02 дугаар сарын 01-ний өдрөөс өмнө товлон зарлаж, санал авах өдрийг тогтооно. (Хуулийн 8 дугаар зүйлийн 8.1 дэх хэсэг)	2021.02.01-ний өдрөөс өмнө
2	Гадаад улсад байгаа иргэдээс санал авах өдрийг тогтоох	Гадаад улсад байгаа иргэдээс санал авах өдрийг ээлжит сонгуулийн санал авах өдрийг үндэслэн гадаад улсад байгаа иргэдээс санал авах ажлыг зохион байгуулах төв комиссын саналыг харгалзан Сонгуулийн ерөнхий хороо тогтоох бөгөөд санал авах өдөр нь хоёр хүртэл өдөр байж болно. (Хуулийн 8 дугаар зүйлийн 8.3 дахь хэсэг)	2021.02.08-ны өдрөөс өмнө
3	Сонгуулийн хэсэг байгуулах	Сонгогчдын санал авч, тоолох зорилгоор сум, дүүргийн иргэдийн Төлөөлөгчдийн Хурлын Тэргүүлэгчид сонгуулийн хэсгийг ээлжит сонгуулийн жилийн 3 дугаар сарын 01-ний өдрөөс өмнө байгуулж, хэсгийн нутаг дэвсгэрийг зарлана. (Хуулийн 11 дүгээр зүйлийн 11.1 дэх хэсэг)	2021.3.01-ний өдрөөс өмнө
4	Сонгуулийн хэсгийн талаарх мэдээллийг хүргүүлэх	Сум, дүүргийн иргэдийн Төлөөлөгчдийн Хурлын Тэргүүлэгчид сонгуулийн хэсгийг байгуулсан өдрөөс хойш гурав хоногийн дотор энэ хуулийн 11.1-д заасан мэдээллийг улсын бүртгэлийн байгууллагын орон нутаг дахь газар, хэлтэст хүргүүлнэ. (Хуулийн 11 дүгээр зүйлийн 11.6 дахь хэсэг)	2021.3.03-ны өдрийн дотор
		Улсын бүртгэлийн байгууллагын орон нутаг дахь газар, хэлтэс энэ хуулийн 11.6-д заасан мэдээллийг нутаг дэвсгэрийнхээ хэмжээнд нэгтгэн тав хоногийн дотор улсын бүртгэлийн асуудал эрхэлсэн төрийн захиргааны байгууллагад хүргүүлнэ. (Хуулийн 11 дүгээр зүйлийн 11.7 дахь хэсэг)	2021.3.08-ны өдрийн дотор
Хоёр.СОНГУУЛИЙН БАЙГУУЛЛАГА			
5	Сонгуулийн байгууллагын удирдлага	Сонгуулийг улсын хэмжээнд Сонгуулийн ерөнхий хороо удирдан зохион байгуулж, аймаг, нийслэл, сум, дүүргийн сонгуулийн хороо, хэсгийн хороо, гадаад улсад байгаа иргэдийн санал авах ажлыг зохион байгуулах төв болон салбар комиссыг нэгдсэн удирдлагаар хангаж ажиллана. (Хуулийн 12 дугаар зүйлийн 12.1 дэх хэсэг)	Сонгуулийн үйл ажиллагаа-ны туршид
6	Аймаг, нийслэлийн сонгуулийн хороог байгуулах	Сонгуулийн ерөнхий хороо санал авах өдрөөс 70-аас доошгүй хоногийн өмнө энэ хуулийн 12.3-т заасны дагуу аймаг, нийслэлийн сонгуулийн хороог дарга, нарийн бичгийн дарга болон тав, эсхүл долоон гишүүний бүрэлдэхүүнтэйгээр байгуулж, нийтэд мэдээлнэ. Аймаг, нийслэлийн сонгуулийн хорооны бүрэлдэхүүнд тухайн шатны цагдаагийн болон улсын бүртгэлийн асуудал эрхэлсэн байгууллагын төлөөлөл орсон байна. (Хуулийн 14 дүгээр зүйлийн 14.1 дэх хэсэг)	2021.3.31-ний өдрөөс өмнө

7	Төв комисс байгуулах	Сонгуулийн ерөнхий хороо, гадаад харилцааны асуудал эрхэлсэн төрийн захиргааны төв байгууллагын саналыг харгалзан гадаад улсад байгаа иргэдийн санал авах ажлыг зохион байгуулах, нэгдсэн удирдлагаар хангах, хяналт тавих үүрэг бүхий төв комиссыг гадаадад санал авах өдрөөс 60-аас доошгүй хоногийн өмнө дарга, нарийн бичгийн дарга болон тав, эсхүл долоон гишүүний бүрэлдэхүүнтэйгээр байгуулна. (Хуулийн 16 дугаар зүйлийн 16.1 дэх хэсэг)	2021.3.31-ний өдрөөс өмнө
8	Салбар комисс байгуулах	Төв комисс нь салбар комиссыг гадаадад санал авах өдрөөс 45-аас доошгүй хоногийн өмнө дарга болон хоёр, эсхүл дөрвөн гишүүний бүрэлдэхүүнтэйгээр дипломат төлөөлөгчийн газрын дэргэд байгуулна. (Хуулийн 16 дугаар зүйлийн 16.2 дахь хэсэг)	2021.4.15-ны өдрөөс өмнө
9	Сум, дүүргийн сонгуулийн хороог байгуулах	Аймаг, нийслэлийн сонгуулийн хороо санал авах өдрөөс 60-аас доошгүй хоногийн өмнө энэ хуулийн 12.3-т заасны дагуу сум, дүүргийн сонгуулийн хороог дарга, нарийн бичгийн дарга болон гурав, эсхүл таван гишүүний бүрэлдэхүүнтэйгээр байгуулж, харьяалах нутаг дэвсгэрийнхээ хэмжээнд нийтэд мэдээлнэ. (Хуулийн 15 дугаар зүйлийн 15.1 дэх хэсэг)	2021.4.10-ны өдрөөс өмнө
10	Хэсгийн хороог байгуулах	Сум, дүүргийн сонгуулийн хороо санал авах өдрөөс 30-аас доошгүй хоногийн өмнө энэ хуулийн 12.3-т заасны дагуу хэсгийн хороог дарга болон зургаа, эсхүл найман гишүүний бүрэлдэхүүнтэйгээр байгуулж, харьяалах нутаг дэвсгэрийн хэмжээнд нийтэд мэдээлнэ. (Хуулийн 17 дугаар зүйлийн 17.1 дэх хэсэг)	2021.5.10-ны өдрөөс өмнө
Гурав. СОНГОГЧДЫН НЭРИЙН ЖАГСААЛТ			
11	Иргэний шилжилт хөдөлгөөнийг зогсох	Иргэний шилжилт хөдөлгөөнийг санал авах өдрөөс 60 хоногийн өмнө зогсоож , энэ хуулийн 72.2-т заасны дагуу сонгуулийн дүнг нийтэд мэдээлсний дараах өдрөөс сэргээнэ. (Хуулийн 25 дугаар зүйлийн 25.1 дэх хэсэгээс)	2021.4.10-ны өдрөөс эхлэн
12	Сонгогчдын нэрийн жагсаалтыг цахим хуудаст байршуулах	Улсын бүртгэлийн асуудал эрхэлсэн төрийн захиргааны байгууллага сонгогчдын нэрийн жагсаалтад байгаа сонгуулийн эрх бүхий иргэний эцэг /эх/-ийн нэр, өөрийн нэр, нас, хүйс, регистрийн дугаар, байнга оршин суугаа газрын хаягийн бүртгэлийн мэдээллийг аймаг, нийслэл, сум, дүүрэг, баг, хороогоор болон сонгуулийн хэсэг бүрээр нь нэгтгэн гаргах бөгөөд уг жагсаалтыг эзлжит сонгуулийн жилийн 4 дүгээр сарын 01-ний өдрөөс эхэлж , сонгууль дуустал өөрийн цахим хуудсанд байрлуулна. (Хуулийн 19 дүгээр зүйлийн 19.4 дэх хэсэг)	2021.4.01-ний өдрөөс эхлэн
13	Эрх бүхий байгууллагууд сонгуулийн насны иргэдийн мэдээллийг цаасан болон цахим хэлбэрээр хүргүүлэх	<p>Доор дурдсан байгууллага дараах иргэний эцэг /эх/-ийн нэр, өөрийн нэр, регистрийн дугаар, төрсөн он, сар, өдөр, хүйс болон бусад шаардлагатай мэдээллийг улсын бүртгэлийн асуудал эрхэлсэн төрийн захиргааны байгууллагад эзлжит сонгуулийн жилийн 5 дугаар сарын 01-ний өдрөөс өмнө цаасан болон цахим хэлбэрээр хүргүүлнэ:</p> <ul style="list-style-type: none"> - Улсын дээд шүүх эрх зүйн чадамжийг нь шүүхийн шийдвэрээр тогтоогдсон сонгуулийн насны иргэдийн мэдээллийг; - шүүхийн шийдвэр гүйцэтгэх байгууллага хорих ял эдэлж байгаа болон эрүүгийн хэрэгт холбогдуулан баривчлагдсан, захиргааны журмаар албадан эмчилүүлж байгаа сонгуулийн насны иргэдийн мэдээллийг; - хил хамгаалах асуудал эрхэлсэн төрийн захиргааны байгууллага 60 ба түүнээс дээш хоногийн хугацаагаар гадаад улсад зорчсон иргэдийн болон тухайн сум, дүүргийн нутаг дэвсгэрт байнга оршин суух хаягийн бүртгэлгүй боловч санал авах өдөр харьяа тусгай анги, 	2021.5.01-ний өдрөөс өмнө

		<ul style="list-style-type: none"> - салбарт нь алба хааж байгаа алба хаагч болон ажилтны мэдээллийг; батлан хамгаалах асуудал эрхэлсэн төрийн захирагааны төв байгууллага тухайн сум, дүүргийн нутаг дэвсгэрт байнга оршин суух хаягийн бүртгэлгүй боловч санал авах өдөр зэвсэгт хүчний цэргийн анги, нэгтгэлд нь алба хааж байгаа алба хаагч болон ажилтны мэдээллийг; - цагдаагийн төв байгууллага тухайн сум, дүүргийн нутаг дэвсгэрт байнга оршин суух хаягийн бүртгэлгүй боловч тухайн нутаг дэвсгэрт ажиллах байгаа цагдаагийн алба хаагч, дотоодын цэргийн анги, нэгтгэлд нь алба хааж байгаа алба хаагч болон ажилтны мэдээллийг; - гадаадын иргэн, харьяатын асуудал эрхэлсэн төрийн захирагааны байгууллага тухайн жилд Монгол Улсын харьяат болсон, иргэний харьяаллаа сэргээн тогтоолгосон, харьяатаас гарсан иргэдийн мэдээллийг. <p>(Хуулийн 19 дүгээр зүйлийн 19.6 дахь хэсэг)</p>	
14	Сонгогчдын нэрийн жагсаалтыг хэсгийн хороонд хүргүүлэх	<p>Улсын бүртгэлийн асуудал эрхэлсэн төрийн захирагааны байгууллага энэ хуулийн 19.4-т заасны дагуу цахим хуудсанд байршуулсан сонгогчдын нэрийн жагсаалтад дараах өөрчлөлтийг тусган уг жагсаалтыг цаасан болон цахим хэлбэрээр үйлдэж, цаасан хэлбэрээр үйлдсэн сонгогчдын нэрийн жагсаалтыг санал авах өдрөөс 25-аас доошгүй хоногийн өмнө улсын бүртгэлийн байгууллагын орон нутаг дахь газар, хэлтсээр дамжуулан хэсгийн хороонд хүргүүлнэ:</p> <ul style="list-style-type: none"> - сонгогчоос энэ хуулийн 19.4-т заасан сонгогчдын нэрийн жагсаалтад бүртгэгдээгүй, эсхүл буруу бүртгэгдсэн талаар гаргасан гомдлын дагуу оруулсан өөрчлөлт; - энэ хуулийн 25.1-д заасан хугацаанаас өмнө хийгдсэн сонгогчийн байнга оршин суугаа газрын хаягийн өөрчлөлт; - сонгогчийн эцэг /эх-/ийн нэр, өөрийн нэр, хүйс, регистрийн дугаар зэрэг иргэний бүртгэлтэй холбоотой өөрчлөлт; - нас барсан иргэний улсын бүртгэлтэй холбоотой өөрчлөлт; - энэ хуулийн 19.6-д заасан иргэдийн мэдээлэлтэй холбоотой өөрчлөлт. <p>(Хуулийн 19 дүгээр зүйлийн 19.9 дахь хэсэг)</p>	2021.5.15-ны өдрөөс өмнө
15	Сонгогч нэрийн жагсаалтын мэдээлэлтэй танилцах	<p>Улсын бүртгэлийн асуудал эрхэлсэн төрийн захирагааны байгууллага энэ хуулийн 19.9-д заасан хугацаанд хүргүүлсэн сонгогчдын нэрийн жагсаалтад энэ хуулийн 19.9.1, 19.9.3, 19.9.4 дэх заалт, 20, 23, 24 дүгээр зүйлд заасан үндэслэлээр оруулсан өөрчлөлтийг тусгаж сонгогчдын нэрийн жагсаалтыг санал авах өдрөөс гурваас доошгүй хоногийн өмнө улсын бүртгэлийн байгууллагын орон нутаг дахь газар, хэлтсээр дамжуулан хэсгийн хороонд хүргүүлнэ.</p> <p>(Хуулийн 19 дүгээр зүйлийн 19.11 дахь хэсэг)</p>	2021.6.06-ны өдрөөс өмнө
16	Сонгогчдын нэрийн жагсаалтыг цахим хэлбэрээр олгох	<p>Хэсгийн хороо сонгогчдын нэрийн жагсаалтыг хүлээн авсан өдрөөс эхлэн өөрийн ажиллах байранд, өөрийн ажиллах байргүй бол сум, хорооны Засаг даргын тамгын газрын байранд итгэмжлэгдсэн ажилтныг ажиллуулж, сонгогчдод өөрийн болон өөрийн байнга оршин суугаа хаягийн бүртгэлд бүртгэгдсэн нийт сонгогчийн мэдээлэлтэй чөлөөтэй танилцах боломж олгоно.</p> <p>(Хуулийн 19 дүгээр зүйлийн 19.10 дахь хэсэг)</p>	Хүлээн авсан өдрөөс эхлэн
		<p>Улсын бүртгэлийн асуудал эрхэлсэн төрийн захирагааны байгууллага сонгуульд оролцохоор нэр дэвшигчээ бүртгүүлсэн нам, эвслийг төлөөлөх эрх бүхий этгээдийн хүсэлтийн дагуу сонгогчдын эцэг /эх-/ийн нэр, өөрийн нэр, регистрийн дугаар, байнга оршин суугаа газрын хаяг бүхий энэ хуулийн 19.11-д заасан сонгогчдын нэрийн жагсаалтыг сонгуулийн хэсэг тус бүрээр санал авах өдрөөс хоёроос доошгүй хоногийн өмнө цахим хэлбэрээр нэг удаа олгоно.</p> <p>(Хуулийн 19 дүгээр зүйлийн 19.15 дахь хэсэг)</p>	2021.6.07-ны өдрөөс өмнө

17	Сонгогч нэрийн жагсаалтад бүртгэлтэй эсэхээ шалгах, сонгогчдын нэрийн жагсаалттай холбоотой гомдол гаргах	Сонгогч сонгогчдын нэрийн жагсаалтад бүртгэгдсэн эсэхээ санал авах өдрөөс 14-өөс доошгүй хоногийн өмнө шалгасан байвал зохино. (Хуулийн 19 дүгээр зүйлийн 19.12 дахь хэсэг)	2021.5.26-ны өдрөөс өмнө
18	Сонгогчийн шилжилт	Сонгогч шилжих бол энэ тухай хүсэлтээ холбогдох баримтын хамт санал авах өдрөөс 14-өөс доошгүй хоногийн өмнө харьяа хэсгийн хороонд ажиллах иргэний бүртгэлийн итгэмжлэгдсэн ажилтан, эсхүл улсын бүртгэлийн холбогдох байгууллагад санал авах өдрөөс 14-өөс доошгүй хоногийн өмнө бичгээр гаргана. (Хуулийн 23 дугаар зүйлийн 23.1 дахь хэсэг) Сонгуулийн байгууллагын ажилтан, итгэмжлэгдсэн ажилтан, мэдээллийн технологийн багийн гишүүн, даамал, санал авах байр болон сонгуулийн үйл ажиллагааны аюулгүй байдлыг хангахаар ажиллаж байгаа цагдаагийн алба хаагчийн сонгогчийн шилжилтийг хийх, бүртгэхдээ тухайн байгууллагынх нь албан бичиг, хүсэлтэд үндэслэн санал авах өдрөөс 14-өөс доошгүй хоногийн өмнө шийдвэрлэнэ. (Хуулийн 24 дүгээр зүйлийн 24.2 дахь хэсэг) Нэр дэвшигч болон энэ хуулийн 32.5-д заасан ерөнхий менежер, менежер, шадар туслагч сонгуулийн нэг хэсгээс нөгөө хэсэгт шилжих бол санал авах өдрөөс 14-өөс доошгүй хоногийн өмнө сонгогчийн шилжилтийг хийлгэж болно. (Хуулийн 24 дүгээр зүйлийн 24.3 дахь хэсэг) Сонгогч санал авах өдрөөс 14-өөс доошгүй хоногийн өмнө сонгогчийн шилжилтийг бүртгүүлнэ. (Хуулийн 24 дүгээр зүйлийн 24.4 дахь хэсэг)	2021.5.26-ны өдрөөс өмнө
19	Сонгогчийн мэдээлэлтэй холбоотой өөрчлөлтийг тусгах	Улсын бүртгэлийн асуудал эрхэлсэн төрийн захиргааны байгууллага иргэний улсын бүртгэлийн мэдээллийн санг үндэслэн энэ хуулийн 23.1-д заасны дагуу гомдол гаргасан иргэний мэдээллийн талаар болон иргэний улсын бүртгэлтэй холбоотой өөрчлөлтийн талаар лавлагaa гаргах ба сонгогчийн мэдээлэлтэй холбогдсон өөрчлөлтийг санал авах өдрөөс гурваас доошгүй хоногийн өмнө сонгогчдын нэрийн жагсаалтад оруулна. (Хуулийн 23 дугаар зүйлийн 23.2 дахь хэсэг)	2021.6.06-ны өдрөөс өмнө
20	Гадаад улсад байгаа иргэн сонгуульд оролцохоо мэдэгдэж бүртгүүлэх	Гадаад улсад байгаа иргэн гадаадад санал авах өдрөөс 40 хоногийн өмнөөс эхлэн 20 хоногийн хугацаанд өөрийн байгаа улсад суугаа Дипломат төлөөлөгчийн газарт биечлэн ирж, эсхүл шуудан буюу цахим шуудан, факсаар сонгуульд оролцохоо мэдэгдэж, бүртгүүлнэ. (Хуулийн 20 дугаар зүйлийн 20.1 дахь хэсэг)	2021.4.20-ны өдрөөс эхлэн 2021.5.09-ний өдрийг дуустал
21	Гадаад улсад саналаа өгөхөөр бүртгүүлсэн сонгогчдын	Салбар комисс гадаад улсад байгаа иргэдийг бүртгэх ажиллагаа дууссан өдрөөс хойш хоёр хоногийн дотор гадаад улсад байгаа сонгогчдын нэрийн жагсаалтыг Төв комисст хүргүүлнэ. (Хуулийн 20 дугаар зүйлийн 20.5 дахь хэсэг)	2021.5.11-ний өдрийн дотор

	Мэдээллийг хүргүүлэх	Төв комисс нийт салбар комиссоос ирүүлсэн гадаад улсад байгаа сонгогчдын нэрийн жагсаалтыг хоёр хоногийн дотор улсын бүртгэлийн асуудал эрхэлсэн төрийн захиргааны байгууллагад хүргүүлнэ. (Хуулийн 20 дугаар зүйлийн 20.6 дахь хэсэг)	2021.5.13-ны өдрийн дотор
22	Гадаад улсад санаалаа өгөх сонгогчдын нэрийн жагсаалтыг хүргүүлэх	Улсын бүртгэлийн асуудал эрхэлсэн төрийн захиргааны байгууллага нягтлан шалгасан гадаад улсад байгаа сонгогчдын нэрийн жагсаалтыг Төв комисст цахим хэлбэрээр буцаан илгээнэ. Төв комисс сонгогчдын нэрийн жагсаалтыг цахим хэлбэрээр салбар комисст даруй хүргүүлэх бөгөөд уг жагсаалтыг салбар комисс гадаад улсад санал авах өдрөөс таваас доошгүй хоногийн өмнө өөрийн байранд ил тавих, цахим хуудсанд байршуулан сонгогчдод өөрт холбогдох мэдээлэлтэй чөлөөтэй танилцах бололцоогоор хангана. (Хуулийн 20 дугаар зүйлийн 20.10 дахь хэсэг)	2021.5.25-ны өдрөөс өмнө
Дөрөв.НЭР ДЭВШИГЧИЙН БҮРТГЭЛ			
23	Нэр дэвшүүлэх ажиллагаа	Ерөнхийлөгчид нэр дэвшүүлэх ажиллагааг санал авах өдрөөс 40 хоногийн өмнө эхлүүлж, гурав хоногийн хугацаанд дуусгана. (Хуулийн 26 дугаар зүйлийн 26.1 дахь хэсэг)	2021.4.30-ны өдрөөс 2021.5.02-ны өдрийг дуустал
24	Нэр дэвшигчдийн баримт бичгийг ирүүлэх	Нэр дэвшүүлсэн нам, эвсэл нь нэр дэвшүүлэх ажиллагааны талаар хуульд заасан хугацаа дууссан өдрөөс хойш гурав хоногт багтаан ... баримт бичгийг Сонгуулийн ерөнхий хороонд ирүүлнэ: (Хуулийн 28 дугаар зүйлийн 28.2 дахь хэсээс)	2021.5.05-ны өдрийн дотор
25	Нэр дэвшигчийг бүртгэх эсэх асуудлыг шийдвэрлэх	Сонгуулийн ерөнхий хороо нэр дэвшигчийн баримт бичгийг хүлээн авах хугацаа дууссанаас хойш гурав хоногийн дотор бүртгэх эсэх асуудлыг шийдвэрлэх тогтоол гаргана. (Хуулийн 28 дугаар зүйлийн 28.6 дахь хэсэг)	2021.5.08-ны өдрийн дотор
26	Дахин бүртгүүлэх, нөхөн нэр дэвшүүлэх	Нэр дэвшигчийг бүртгэхээс татгалзсан тохиолдолд санал авах өдрөөс 30-аас доошгүй хоногийн өмнө зөрчлийг арилгасны үндсэн дээр дахин бүртгүүлэх тухай хүснэгтээ шаардагдах баримт бичгийн хамт Сонгуулийн ерөнхий хороонд ирүүлж болно. (Хуулийн 29 дүгээр зүйлийн 29.2 дахь хэсэг) Нэр дэвшигч нас барсан, шүүхээр ял шийтгүүлсэн тохиолдолд санал авах өдрөөс 30-аас доошгүй хоногийн өмнө өөр хүнийг нөхөн нэр дэвшүүлж болно. (Хуулийн 30 дугаар зүйлийн 30.1 дахь хэсэг)	2021.5.10-ны өдрөөс өмнө
27	Нэр дэвшигчийн үнэмлэх олгох, нийтэд мэдээлэх	Нэр дэвшигчийг бүртгэсэн тухай шийдвэр гарсан бол Сонгуулийн ерөнхий хороо нэр дэвшигчийн үнэмлэхийг санал авах өдрөөс 16 хоногийн өмнө нэг өдөр олгож, нийтэд мэдээлнэ. (Хуулийн 28 дугаар зүйлийн 28.7 дахь хэсэг)	2021.5.24-ний өдөр
28	Нэр дэвшигчдийн хөрөнгө орлогын мэдүүлгийг нээлттэй байршуулах	Авлигатай тэмцэх газар нэр дэвшигчээр бүртгэгдсэн нийт нэр дэвшигчийн хөрөнгө орлогын мэдүүлгийг өөрийн байгууллагын цахим хуудсанд санал авах өдрөөс 16 хоногийн өмнө нээлттэйгээр байршуулна. (Хуулийн 28 дугаар зүйлийн 28.10 дахь хэсэг)	2021.5.24-ний өдрөөс эхлэн
Тав.СОНГУУЛИЙН МӨРИЙН ХӨТӨЛБӨР, СУРТАЛЧИЛГАА			
29	Сонгуулийн мөрийн хөтөлбөрт дүгнэлт гаргуулахаар хүргүүлэх	Нэр дэвшигч сонгуулийн мөрийн хөтөлбөртөө дүгнэлт гаргуулахаар төрийн аудитын дээд байгууллагад санал авах өдрөөс 37-оос доошгүй хоногийн өмнө хүргүүлнэ. Уг хугацааг хоцроосон мөрийн хөтөлбөрт төрийн аудитын дээд байгууллага дүгнэлт гаргахгүй. (Хуулийн 33 дугаар зүйлийн 33.5 дахь хэсэг)	2021.5.03-ны өдрөөс өмнө

30	Сонгуулийн мэрийн хөтөлбөрийн талаарх дүгнэлтийг хүргүүлэх	Төрийн аудитын дээд байгууллага нэр дэвшигчийн сонгуулийн мэрийн хөтөлбөр энэ хуульд заасан шаардлагад нийцэж байгаа эсэх талаарх дүгнэлтийг санал авах өдрөөс 34-өөс доошгүй хоногийн өмнө гаргах бөгөөд нэр дэвшигчийн мэрийн хөтөлбөр энэ хуульд заасан шаардлагад нийцээгүй тохиолдолд нэг удаа засах боломж олгосны үндсэн дээр дүгнэлтээ эцэслэн гаргаж, Сонгуулийн ерөнхий хороонд хүргүүлнэ. (Хуулийн 33 дугаар зүйлийн 33.6 дахь хэсэг)	2021.5.06-ны өдрөөс өмнө
31	Сонгуулийн мэрийн хөтөлбөр, түүнд хийсэн дүгнэлтийг нээлттэй байршуулах	Төрийн аудитын дээд байгууллага нэр дэвшигчийн сонгуулийн мэрийн хөтөлбөр болон түүнд хийсэн дүгнэлтийг санал авах өдрөөс 16 хоногийн өмнөөс эхлэн өөрийн байгууллагын цахим хуудсанд нээлттэйгээр байршуулна. (Хуулийн 33 дугаар зүйлийн 33.7 дахь хэсэг)	2021.5.24-ний өдрөөс эхлэн
32	Ухуулах хуудас, зурагт самбар, дэлгэц байрлуулах байршлыг тогтоож, нийтэд мэдээлэх	Ухуулах хуудсыг нийтийн эзэмшлийн гудамж, талбай, олон нийтийн газарт байрлуулах байршлыг санал авах өдрөөс 60-аас доошгүй хоногийн өмнө тухайн сум, дүүргийн иргэдийн Төлөөлөгчдийн Хурлын Тэргүүлэгчид тогтоож, нийтэд мэдээлнэ. (Хуулийн 36 дугаар зүйлийн 36.2 дахь хэсэг) Зурагт самбар, дэлгэцийг зөвхөн нийтийн эзэмшлийн газар буюу гудамж, талбайд сурталчилгааны хугацаанд түр хугацаагаар үнэ төлбөргүйгээр байрлуулах бөгөөд зурагт самбар байрлуулах гудамж, талбай, олон нийтийн газрын байршлыг санал авах өдрөөс 60-аас доошгүй хоногийн өмнө тухайн сум, дүүргийн иргэдийн Төлөөлөгчдийн Хурлын Тэргүүлэгчид тогтоож, нийтэд мэдээлнэ. (Хуулийн 37 дугаар зүйлийн 37.3 дахь хэсэг)	2021.4.10-ны өдрөөс өмнө
33	Радио, телевиз сонгуулийн сурталчилгаа нэвтрүүлэх тухай мэдэгдлийг хүргүүлэх	Олон нийтийн радио, телевизээс бусад радио, телевиз нь сонгуулийн сурталчилгааны нэвтрүүлэг нэвтрүүлэх бол энэ тухай мэдэгдлийг дараах баримт бичиг, мэдээллийн хамт Харилцаа холбооны зохицуулах хороонд санал авах өдрөөс 30-аас доошгүй хоногийн өмнө хүргүүлж, бүртгүүлнэ: (Хуулийн 41 дугаар зүйлийн 41.9 дахь хэсэг)	2021.5.10-ны өдрөөс өмнө
34	Сурталчилгааны төлбөргүй нэвтрүүлгийн хуваарь, цаг батлах	Харилцаа холбооны зохицуулах хороо олон нийтийн радио, телевизээс ирүүлсэн сурталчилгааны төлбөргүй нэвтрүүлгийн хуваарь, цагийн талаарх саналыг хянан үзсэний үндсэн дээр сонгуулийн сурталчилгаа эхлэхээс долоогоос доошгүй хоногийн өмнө батална. (Хуулийн 41 дугаар зүйлийн 41.4 дахь хэсэг)	2021.5.17-ны өдрөөс өмнө
35	Сонгуулийн сурталчилгааг эхлүүлэх, зогсох	Сонгуулийн сурталчилгааг нэр дэвшигчид үнэмлэх олгосон өдрөөс эхлүүлж, санал авах өдрөөс 24 цагийн өмнө буюу санал авах өдрийн өмнөх өдрийн 00:00 цагаас өмнө зогсоно. (Хуулийн 34 дугаар зүйлийн 34.1 дахь хэсэг)	2021.5.24-ний өдрөөс эхлэн 2021.6.07-ны өдрийг дуустал
36	Сонгуулийн сурталчилгаа явуулах цахим хуудсыг бүртгүүлэх	Нэр дэвшигч энэ хуулийн 42.1.1, 42.1.2-т заасан цахим хуудсыг сонгуулийн сурталчилгаанд ашиглах тохиолдолд цахим хуудсыг нэр дэвшигчийн үнэмлэх авсан өдрөөс хойш гурав хоногийн дотор Харилцаа холбооны зохицуулах хороонд бүртгүүлнэ. (Хуулийн 42 дугаар зүйлийн 42.2 дахь хэсэг)	2021.5.27-ны өдрийн дотор
37	Хэвлэл мэдээллийн байгууллага сонгуулийн сурталчилгаа явуулсан тайланг нийтэд мэдээлэх	Сонгуулийн сурталчилгаа явуулсан хэвлэл мэдээллийн байгууллага сонгуулийн сурталчилгаа дууссанаас хойш 10 хоногийн дотор сурталчилгаа явуулсан талаарх тайланг нийтэд мэдээлнэ. (Хуулийн 34 дугаар зүйлийн 34.5 дахь хэсэг)	2021.6.17-ны өдрийн дотор

Зургаа.САНАЛ АВАХ, ДҮН ГАРГАХ				
38	Санал авах өдөр, цаг, байрыг нийтэд мэдээлэх	Сонгуулийн хэсгийн хороо санал авах байрын дугаар, нэр, хаяг, байршил, орчин тойрны зураглалыг санал авах өдөр хүртэлх 14 хоногийн турш нийтэд зарлан мэдээлнэ. (Хуулийн 56 дугаар зүйлийн 56.7 дахь хэсэг)	2021.5.26-ны өдрөөс эхэн санал авах өдрийг дуустал	
39	Санал авах байр бэлтгэх	Тухайн сонгуулийн хэсгийн харьялагдах сум, дүүргийн Засаг дарга Сонгуулийн ерөнхий хорооноос баталсан зааврын дагуу санал авахад шаардлагатай дараах зүйлийг санал авах өдрөөс долоогоос доошгүй хоногийн өмнө бэлэн болгох үүрэгтэй: (Хуулийн 56 дугаар зүйлийн 56.2 дахь хэсэг)	2021.6.02-ны өдрөөс өмнө	
40	Зөөврийн битүүмжилсэн саналын хайрцаар санал өгөх хүсэлтээ гаргах, хүргүүлэх	Сонгогчоос саналаа нууцаар өгөхөд шаардагдах санал бэлтгэх бүхээг бүхий байр, саналын хайрцгийг санал авах өдрөөс гурваас доошгүй хоногийн өмнө энэ хуулийн 56.2-т заасны дагуу тухайн улсад байгаа Монгол Улсын дипломат төлөөлөгчийн газрын тэргүүн хариуцаж, бэлтгэнэ. (Хуулийн 57 дугаар зүйлийн 57.3 дахь хэсэг)	2021.5.27-ны өдрөөс өмнө	
41	Ажиглагчаар бүртгүүлэх хүсэлтээ хүргүүлэх, бүртгүүлэх	Хуулийн 58.1-д заасан сонгогч нь зөөврийн битүүмжилсэн саналын хайрцаар санал өгөх хүсэлтээ тухайн байгууллагын удирдлагад өгөх бөгөөд байгууллагын удирдлага нь уг хүсэлтийг тодорхойлолтын хамт санал авах өдрөөс долоогоос доошгүй хоногийн өмнө өөрийн байгууллагын нутаг дэвсгэрийн хувьд харьялагдах сум, дүүргийн сонгуулийн хороонд хүргүүлнэ. (Хуулийн 58 дугаар зүйлийн 58.4 дахь хэсэг) Сум, дүүргийн сонгуулийн хороо энэ хуулийн 58.4-т заасны дагуу ирүүлсэн хүсэлт, тодорхойлолтыг санал авах өдрөөс таваас доошгүй хоногийн өмнө тухайн сонгогчийн харьялагдах хэсгийн хороонд хүргүүлнэ. (Хуулийн 58 дугаар зүйлийн 58.5 дахь хэсэг) Эрүүл мэндийн байдлын улмаас зөөврийн битүүмжилсэн саналын хайрцаар санал өгөх сонгогч нь өөрийн эрүүл мэндийн талаарх зэмчийн магадалгааг зөөврийн битүүмжилсэн саналын хайрцаар санал өгөх хүсэлтийн хамт санал авах өдрөөс гурваас доошгүй хоногийн өмнө ... хүргүүлнэ: - эмнэлэг, сувилалд хэвтэн эмчлүүлж байгаа сонгогч тухайн байгууллагын захираганд; - бусад тохиолдолд өөрийн харьяа хэсгийн хороонд. (Хуулийн 58 дугаар зүйлийн 58.2 дахь хэсэг)	2021.6.02-ны өдрөөс өмнө	
41		Ажиглагч томилох эрх бүхий этгээд ажиглагч ажиллуулах, бүртгүүлэх хүсэлтээ Сонгуулийн ерөнхий хорооноос баталсан журмын дагуу бичгээр гаргаж, санал авах өдрөөс таваас доошгүй хоногийн өмнө хэсгийн хороонд хүргүүлнэ. (Хуулийн 63 дугаар зүйлийн 63.7 дахь хэсэг)	2021.6.04-ний өдрөөс өмнө	
41		Хэсгийн хороо хүсэлтийг хүлээн авч нягтлан шалгаж, санал авах өдрөөс хоёроос доошгүй хоногийн өмнө ажиглагчийн үнэмлэх олгоно. (Хуулийн 63 дугаар зүйлийн 63.8 дахь хэсэг)	2021.6.07-ны өдрөөс өмнө	
		Төв комисс нь гадаад улсад байгаа иргэдээс санал авах ажиллагааг ажиглахаар томилогдсон ажиглагчийн мэдээллийг холбогдох салбар комисст хүргүүлэх бөгөөд ажиглагч нь гадаад улсад байгаа иргэдээс санал авах өдрөөс ажлын гурваас доошгүй хоногийн өмнө салбар комисст бүртгүүлж, ажиглагчийн үнэмлэх авна. (Хуулийн 64 дүгээр зүйлийн 64.4 дахь хэсэг)	2021.5.26-ны өдрөөс өмнө	

42	Саналын хуудсыг санал авах байранд хүргүүлэх	Сонгуулийн ерөнхий хороо саналын хуудсыг санал авах өдрөөс гурваас доошгүй хоногийн өмнө санал авах байранд хүргүүлэх ажлыг удирдан зохион байгуулна. (Хуулийн 55 дугаар зүйлийн 55.2 дахь хэсэг)	2021.6.06-ны өдрөөс өмнө
43	Гадаад улсад байгаа иргэдээс санал авах	Гадаад улсад байгаа сонгогчийн саналыг Сонгуулийн ерөнхий хорооноос тогтоосон санал авах өдөр, тухайн улсын орон нутгийн цагаар 07:00 цагаас 22:00 цаг хүртэлх хугацаанд салбар комиссын тогтоосон санал авах байранд авна. (Хуулийн 57 дугаар зүйлийн 57.1 дахь хэсэг) (Сонгуулийн ерөнхий хорооны 2021.2.5-ны өдрийн 05 дугаар тогтоол)	2021.5.30, 31-ний өдрийн 07:00-22:00 цаг /Тухайн орон нутгийн цагаар/
44	Зөөврийн битүүмжилсэн хайрцаар санал авах	... сонгогчийн саналыг зөөврийн битүүмжилсэн саналын хайрцаар түүний хүсэлт, эмнэлгийн магадлгаа, эсхүл холбогдох байгууллагын тодорхойлолтыг үндэслэн санал авах өдрийн өмнөх өдрийн 09:00-20:00 цагийн хооронд авна: (Хуулийн 58 дугаар зүйлийн 58.1 дахь хэсэг)	2021.6.08-ны өдрийн 09:00-20:00 цаг
45	Санал авах өдөр, цаг	Ээлжит сонгуулийн санал авах өдөр нь сонгуулийн жилийн 06 дугаар сарын эхний хагасын аль нэг ажлын өдөр байна. (Хуулийн 8 дугаар зүйлийн 8.2 дахь хэсэг) (Улсын Их Хурлын 2021.1.20-ны өдрийн 07 дугаар тогтоол) Сонгогчийн саналыг Улаанбаатарын цагаар санал авах өдрийн 07:00 цагаас 22:00 цаг хүртэл хугацаанд санал авах байранд авна. (Хуулийн 56 дугаар зүйлийн 56.1 дахь хэсэг)	2021.6.09-ний өдрийн 07:00-22:00 цаг
46	Гадаад улсад байгаа иргэдээс авсан саналыг тоолох	Сонгуулийн ерөнхий хороо санал тоолох ажиллагааг өөрийн байранд санал авах өдрийн 22:00 цагт эхэлж , ажиглагч, хэвлэл мэдээллийн байгууллагын төлөөллийг байцуулан ил тод, нээлттэй явуулна. (Хуулийн 69 дүэзэр зүйлийн 69.2 дахь хэсэг)	2021.6.09-ний өдрийн 22:00 цагаас эхлэн
47	Ерөнхийлөгчөөр сонгогдсонд тооцсон тухай шийдвэрийг өргөн мэдүүлэх	Сонгуулийн ерөнхий хороо нь сонгуулийн дүн болон Ерөнхийлөгчөөр сонгогдсонд тооцсон тухай шийдвэрийг санал хураалт дууссан өдрөөс хойш 10 хоногийн дотор Монгол Улсын Их Хуралд өргөн мэдүүлнэ. (Хуулийн 72 дугаар зүйлийн 72.3 дахь хэсэг)	Санал хураалт дууссан өдрөөс хойш 10 хоногийн дотор
Долоо.СОНГУУЛИЙН ЗАРДАЛ, ТАЙЛАН			
48	Нам, эвслээс сонгуульд зарцуулах зардлын дээд хэмжээ тогтоох	Төрийн аудитын дээд байгууллага нам, эвслээс сонгуульд зарцуулах зардлын дээд хэмжээг ээлжит сонгуулийн жилийн 3 дугаар сарын 01-ний өдрөөс өмнө энэ хуулийн 45.2-т заасан аргачлалын дагуу тогтоож, нийтэд мэдээлнэ. (Хуулийн 45 дугаар зүйлийн 45.1 дахь хэсэг)	2021.3.01-ний өдрөөс өмнө
49	Сонгуулийн зардлын дансны дугаар, банкны нэрийг бүртгүүлэх	Нам, эвсэл нь сонгуулийн зардлын дансны дугаар, банкны нэрийг санал авах өдрөөс 13-аас доошгүй хоногийн өмнө төрийн аудитын дээд байгууллагад мэдэгдэж, бүртгүүлэх үүрэгтэй. (Хуулийн 46 дугаар зүйлийн 46.4 дахь хэсэг)	2021.5.27-ны өдрөөс өмнө
50	Сонгуулийн зардлын тайланг хүргүүлэх	Нам, эвсэл нь санал авах өдрөөс хойш 45 хоногт багтаан зардлын тайландаа хувийн аудитын хуулийн этгээдээр дүгнэлт гаргуулан, төрийн аудитын дээд байгууллагад хүргүүлнэ. (Хуулийн 52 дугаар зүйлийн 52.3 дахь хэсэг)	2021.7.24-ний өдрийн дотор
51	Гүйлгээний хуулга гаргаж, аудитын байгууллагад хүргүүлэх	Сонгуулийн зардлын данс байршуулсан банкны захирал, эсхүл салбарын эрхлэгч нь уг дансны бүх гүйлгээний хуулгыг гаргаж, санал авах өдрөөс хойш 30 хоногийн дотор төрийн аудитын дээд байгууллагад хүргүүлнэ. (Хуулийн 52 дугаар зүйлийн 52.5 дахь хэсэг)	2021.7.09-ний өдрийн дотор

52	Сонгуулийн зардлын тайланг хянах, нийтэд мэдээлэх	<p>Төрийн аудитын дээд байгууллага зардлын тайланг хүлээн авсан өдрөөс хойш 60 хоногийн дотор хянаж, дүнг нийтэд мэдээлэх бөгөөд нэг сая ба түүнээс дээш төгрөгийн хандив өгсөн иргэн, хоёр сая ба түүнээс дээш төгрөгийн хандив өгсөн хуулийн этгээдийг нийтэд мэдээлнэ.</p> <p>(Хуулийн 53 дугаар зүйлийн 53.1 дэх хэсэг)</p>	2021.9.22-ны өдрийн дотор
----	---	--	---------------------------

МОНГОЛ УЛСЫН СОНГУУЛИЙН ЕРӨНХИЙ ХОРОО